

Павел Лимеров

ЧУДЬ ЙЫЛЫСЬ МОЙДЪЯС

сиома К.Ф. Жаковлы

Кор енэжыс вöлі улын...

«Мойд меным, Коми морт, висътав важ кадъяс йылысь, сы йылысь, кор му вылас артмис морт!» – Тадз ме пöгибö вошти съöd вөр шöрын, дзескыд керкаторйын олысь пöрысь-пöрысь пöльöс. Керка öшиньясыс вöйöмаöсь нин муас, быттö вужъяс нин лэдзöма нитшялöм оланіныс да син гознас-öшиньяснас дзөръялö öтарö-мöдарö дзедбасяныыс. Шпыньмуніс пöрысь пöльö да вочавидзис мен: «Кывзы, Кальö, висътала ме тэныд важ кадъяс йылысь, кор мортыс эз на вöв тайö му вылас, кызди енма-муа костас босьтчис мортыс, кызди Ъвлаыс лоис öнія кодънас. Тэкöд сёрнитö мыйсянь и панны, ог кө висътав медводдза войтыр йывсьыс, сійö войтыр йывсьыс, коді оліс му вылас Енмön мортöс вöчтöдз на.

Важөн-важөн, му нэм саяс на, енэжыс вöліс сэтшöм улын, мый кинад позис сыödз судзöдчыны, а Ъджыд Енмыс, став ловъя лов вöчысьыс, век на ветліс му вывті да вöччöдіс мусö виль ловъясөн. Сэк и овліс му вылас тешкодъ войтыр – чуд. Код найöс сідзсö шуис? Дерт, эз асьныс, йöз найöс сідз шуисны, а кызд асьныс асьнысö нимтісны, миянлы не тöдны нин. А ми найöс сідзсö шум, сы понда, мый ёна нин чудеса кодъöсь вöлісны. Судтанас ляпкыдикöсь, весът кузя кымын, асьныс съödöсь, кокъясныс гöнаöсь, ыжъяслөн кодъöсь. Зэрмас кө, найö сизимön öти гоб улö дзедбасяны, төрöны тай вöлöм! Татшöмöсь найö и вöлісны медводдза йöзыс. Юалан, кытысь

найö му вылас лоисны? Мусьыс, дерт, мусьыс. Ставыс му вылас мусьыс петіс, мупытш кöйдысысь. Быдмөгъяс, и гут-гаг, и пемöсьяс – ставныс кöйдысысь артмисны, со и мортыд, урбöж моз, туруныскöд тшöтш мусьыс быйкнитіс.

Шуда кадъясö овлісны чудъясыд! Енэжöдз кө кинад судзан, сідзкö, и шондід лун и вой югзьö, стчöджыка кө, луна-лун. Войыс йылысь öд эз кывлыны, зэръяс-көдзыдъяс ни кос жар йылысь эз жö кывлыны. Öтторъя шондіа, öтторъя шонид, дерт, сэсса и няньыд эз öнія кодъ быдмы. Чудъясыд сійöс эз көдзлыны, ачыс быдмис, да и, миян синлы кө, веж петмön. Миян öд рудзöгыд öти шепта, öти заа, а чудъяслөн рудзöгыс кустөн быдмывлöма: быд за вылын – йöзви, быд йöзвисянь – бара заяс, дай абу заяс, а шепъяс. Быд сэтшöм рудзöг куст öнія рудзöг му кодъ! А öд и вундынытö абу вундывлöмаöсь чудъясыд. Эз сямтöм понда, а шуöма налы вöлі: мыйöн чарла му вылас лоас, став мутлак-чудыс бырö му вывсьыс. Со и мырсисны чудъясыд, письтöг-шылаөн йöзвисö писькөдлісны, сэсса шепсö гезйөн шыркнитлісны, да сизимön öти шепсö пөрөдлісны. Сэсса и вартлісны няньтö эз йöз моз чаптөн, а быгыльтанөн, кодлөн быгыльтаныс эз вöв – чöрсөн дай. Сепысьяс-мешökъяс эз жö тöдлыны, юртöм чөрöсьясö тусьсö кисьтавлісны, чөрöс чөръясын видзисны. Вит-ö-сизимön кыскасны тусь чөртö сёр вылö, тусьыс на вылö киссьö, юртöм

чөрйид өд кыкнанладорсянныс восьса, абу чөрөс сійө, со и матайтчөны. Одва-одва, кызмырдөн лэптасны, а войнас шыр котөртас сёр вывтийд, бөжнас тусь чөртө уськөдас, джоджад ставыс сюв-сявмунас! Бөрдөны чудъяс, помеч чукөртөны, мед тусь чөртө бөр сёръяд лэптыны.

Турунтө ытшкыны чудъяс эз жө кужны. Гашкө, и косасъид полісны чарласъид моз, но турунтө керавлісны өжынөн. Туруныд джуджыд, турун заад өжынтө сатшкасны, сэсса нөшөн нөшалөны өжынтө, кытчөдз заыс оз ор. Мырсисны, дерт, а податө вердны колө, скөттө видзисны жө, вөлісны налөн мутлак-мөсьяс да мутлак-вөвъяс. То өд, өжынтө төдөмаөсь, а косатө абу, но мый керан? Чуд – чуд и эм!

А олөмаөсь найө му розъясын, му улас, шыр ли вурдысьяс моз. Му пиас олөмаөсь, өти розяс нель-ө-витөн. Кодкө висьталө, мый налөн дзоляник керкаторъяс вөлөмаөсь, быттьө посни көжаизийыс керкаяссө лэптывлөмаөсь. Гашкө, и сідз, сөмын керкатө өд ломтыны колө, а пачьястө абу жө төдлөмаөсь. Гашкө, и керкаястө пачтөг лэптавлісны, сэк өд шоныд вөлі, лун-лун шонді пөжис-шонтіс. Тешкодь кадъяс! Пачьяс абу төдлөмаөсь, а кывлөмаөсь жө кыскө, мый рок колө кызкө пуны. Со и кыскасны тэсьтө чөрөс чөрнад ва дорө, бузгасны шорад, панялөны, чайтөны рокыд пусис нин. Мыйкө, гашкө, и паняласны, а кызсө визулыд горув нуас да, пыдөсас лэдзас да. Со өд сямтөмьясыд!

Сям абутөмысла и пропадитісны. Шөйтис коркө Ен чуд муясөд, видзөдө да, чудъяс нянь вундөны: кодкө письтөгөн писькөдлө, кодкө кинас нетшкө – сьөкыд налы, мырсьөны, ноксьөны, а гос абу сійө уджысь. Жальөсь лоисны Енлы, шуис отсыштыны. Кайис енежас, дорис чарла, вундынысө мед кивывджык лоис, дай муас чөвтис – мед пө чудъяс нимкодьясьыштасны. Адззисны чудъяс чарлатө,

юрнысө жуглөны: мый пө тайө сэтшөм ыджыдыс, чуκληяс, ёкыш пиньяс? Оз-ө мыйкө лёк ло сысянь? Ыджданад Енмыд сорсьөма: чудъясыд өд мутлакъяс, а чарлаыд ыджыд морт вылө артмөма. Лэптас чарлатө өти чуд, гөгөрбок видзөдалө. Увсянныс видзөддлас да, чарла улад юрыс лоө. А мөд чуд и асланныс кыскаштас чарлатө, шаркнитас-орөдас юрсө ёртыдлысь. Повзясны чудъясыд: мыйсяма пө гундыр-юр вундысь тайө?! Ставнымлысь пө юрнымөс вундалас! Пышйыны колө!

Медся збойясыс и горзөны: «Пөдтыны колө! Мед дукуыс му вылас эз вөв!» Шашаритчисны чарлаө дас кыкөн, кыскасны Эжва ю дорө, важ нинкөмө сөвтисны да и ю шөрад петісны. Чарлатө путкыльтісны нинкөмсьыд, а сійө пиньяснас сатшкысьөма нинкөмад, да нинкөмтө гумыльтас. Чудыд варччыны оз куж, дай вөясны ставныс.

Сямтөмыд сямтөм и эм. И куста нянтө сы понда жө воштөмаөсь. Висьталөны, ид вундигөн өтилы дышөдөма, да ёрчас: «Мед тайөс Чомөр вундас, дзик жө нин сөн ормөн лоис!» А дерт, орас сөныд, ачыс кө шеп увсьыс оз тыдав. А Чомөрыд сэн и вөлөма: «А тэныд кутшөмджык идйыс колө?» – «Дзоля шепта, чунь кузя кымын мед...» Чомөрыд и шырзяс став тусьсө, муртса идзас помас кольыштас. Сэтысянь став идйыс чунь кузя шепта чужө.

Кодсюрө и мөд ног висьталөны: Ен пө скөрмөма да, тадзсө вөчөма.

А колө шуны, чудъяслөн кагаыс чужөмөн тшөтш кок вылас сувтө вөлөм да сёрнитны босьтчө. Öти чуд-ань кага вайөма, узыны водтөдөма, а ачыс пач дорө сувтөма блин кисьтны. Блин кисьтас, енежө ляскас көдзөдны: енежыд улын, дай көдзыд вөлөма сэк, а чудыд, тыдалө, пөсьтө абу сөйлөма. Видзөдө чуд-аньыд: кага чеччис, ветлышис дай пуксьывліс асмогөн. Чуд-аньыд уськөдчас, кагаыд-

лысь ситантö блиннад чышкас, ылалас да блинтö и енэжад на ляскас. Скөрмас Енмыд, этшсьыс петмөн, лэччас му вылад, няньтö тшапкас да шырзбыны кутас тусьсö. Пон чепöсьяс кыськö, пиньнас курччас шеп помтö да шуас: «Менсьым пайöс кöть кыв кузьта коль!» Енмыд и небзьöдчыштас да шуас чудъясны: коля пö ме няньнытö öти шептабн, да и шептыс сöмын пон кыв кузя лоас, кутанныд пö пон пай сёйны öнисянь. А чуд-аньыдлы торйөн шуас: «Мед куим во челядьыд куйлыны кутасны, кыв оз сетлыны! Куим во мысти сöмын кок вылас сувтны кутасны!» Сэтысянь челядьыд чужöмөн тшöтш оз сёрнитны, а кок вылас сувтöны арöсөн. Но, миян челядь – морт челядь нин, абу нин чуд челядь. Ещö на енэжтö пежалöмысь Енмыд содтас: «Мед öнисянь некод енэжас оз инмöдчыны вермы!» И кыптас енэжыс вылсьыс вылö, непöштö киён он судз, изйён он судз, ни ньöвйён, ни пицаль пуляён. Кыптас енэжыд, елма-муа костыд ыджыдысьыдждыд лоас, паськалас гөгөрбок, чудлы вывтi ыджыд лоас. Рудзөг да ид дугдасны кустөн быдмыны, сы весът пуяс быдмасны джуджыдысь-джуджыдöсь, нюжөдчасны вывлань еджыд гача кызъяс. Ывлаыд вежсяс да, чудъяс коньөр кодьöсь лоасны. И гөгөрвоасны чудъяс, мый кад воис мунны му вывсьыс. Шуöма öд вöли: кор пö еджыд пуяс кутасны быдмыны, му вылас овмөдчасны еджыд чужöма йöз. Чудъясыд-тö дзоляникöсь да сьöдöсь вöлисны. И мунасны чудъясыд, му веркөссьыс вошасны. Вошасны, но оз дзикöдз, быттö сыласны вильмөм елма-муа костас: öтияс ваö пырасны да ва

олысьён лоасны, мөдъяс вөрö шыбитчасны да вөр олысьён лоасны, коймөдъяс вужляяс улö суйсясны да дзодзулö пöрасны, нельöдъяс му улö кундысясны, кодъясны джуджыд гуяс да сэтчö чеччыштасны. Муысь петисны, муö мунисны.

Тадз и бырисны мутлак-чудъясыд, чудö пöрисны. Быдлаын сэсса олöны чудъясыд: керкаын – керка-чуд, пывсянын – пывсян-чуд, вöрын – вөр-чуд, ваын – ва-чуд. Орччөн чудъясыд олöны, а ми ог аддзöй найöс, ог казялöй, гашкö, вывтi посниöсь да, гашкö, асьным ог көсйöй аддзынысö. Коркö пö тай öти мужик вөрөд мунö вөлөм да кылö, траchnittас мыйкö кок улас, сэсса кодкö чилöстас: «Мыйла тэ менсьым град йөрös лямöдiн?» Видзöдлас мужикыд: збыль, тальччöма ньөр потшöстор вылö. А гөрд гоб улын дзоляник-дзоляник морттор дзевсясьö. Босьтас киас, а мөдыс чилзö: «Эн вөрөд! Эн лысьт!» Мужик думайтö: час пö челядьлы петкөдла дикöвинасö, сэсса бөр вая татчö. Дзевас пестерас, локтас гортас да көсьяс ошйысьыштны мортторнад, а сийö и абу нин. Розьöдöма пестертö да пышйöма. Ог тöд, кодныслы шудыс уси ёнджык, чудыслы али мужикыслы. Чудъясыд пö öд, кöть дзоляюсь, выныс ыджыд: гартасны, бергөдласны сивнырөн, шыбитасны кытчöкö парма шöрас, сэсса и пет, кызд кужан. Тайö важ йöзыскöд бурджык не ляссьыны. Налысь войтырсö Ен миян вылö вежис. А колöкö, кад воас да, Енмыд и мөдарö на миянös чудъясөн вежас: ми му вывсьыс мунам, а чудъяс бөр локтасны».

Комиöдiс О. Уляшев.

Овлісны комиын багатыръяс

«Мойдышт меным, Коми морт, вись-тав багатыръяс йылысь, чуд-багатыръяс йылысь, кодъяс войдөр, нэмъяс сайын овлөмаось Коми муас!» – Тадз ме пöгибö воштi сьöd вөр шöрын, дзескыд керка-торйын олысь пöрысь-пöрысь пöльöс. Керка öшиньясыс вöйöмаось нин муас, быттö вужъяс нин лэдзöма нитшсялөм оланіныс да син гознас-öшиньяснас дзөръялö öтарö-мöдарö дзедасяныс. Тадз ме юаси, и воча меным висьтасис пöрысь морт, воймөм морт, мойдiс вöвлөмтор-ö, вöвлытöмтор-ö важ кадъяс йылысь, му пуксян кадъяс йылысь, кор енъяс лэччывлісны на йöз костö, а йöзыс асьнысö лыддисны на ен пиянөн. «Но, кывзы, Кальö, пель саяд сюркняв Пальö Кальö, мый ме тэд висьтала, кöть и мойд кодь быттö ставыс тайö. Важөн Ен олö. И му вöчас Енмар еныд, шыльыдöс, мичаöс, шнич рай-саридз кодьöс, но Куль-Омöль вокыс, вокыс сылөн, медводдза лөк вöчас, мутö тшыкөдас. Муыд оз рай кодь ло, чургöдчасны сыысь кыръяс-изъяс, нюръяс-гöпгьяс артмасны, войвыв кодзыд да лунвыв жар, тундраяс да лыа муяс, парма да тшем лунвыв вөръяс. Овмөдасны вокъяс-енъяс мусö пемöсьясөн да йöзөн, да тыдавтөм ловъясөн. Сэксянь зьверъяс, черияс, пöткаяс олöны вöрын, ваын, сынöдын, йöз олö сиктын-карын, а ловъяс-ортъяс – быдлаын: вöрын и ваын, юын и сынöдын, весиг сиктъясын да каръясын овмөдчöмаось.

Но медводдза йöзнас му вылас вöлöма мутлак-чуд. Муысь чужöмаось, му горсйын нэмсö олöмаось, нэм помас сэсся муас и мунöмаось. Сэсся воас мөд войтыр му вылас, ыджыд, гырысь, багатыр кодь. Кытысь воас, юалан? А со кызд вöлöма. Овлöма тасянь зэв ылын, шондi чеччанінас войтыр, а налөн юръяснас вöлöмаось

памъяс-вокъяс Ком да Пеля. Муыс-ваыс тырмөма, няныс волöма куимысь во-нас, абу тöдлöма пам-вокъяслөн войтырыс тужа ни мужа. Тшыгъявны, эськö, абу тшыгъявлöмаось, но донөн ковмывлöма вештысьны сыысь скөр Шурмалы, пустыняса кос тöвъяс да лыа сивныръяслөн енлы. Бур няньсыд вештысьлöмаось вирөн: быд вежон Шурмаыд корлöма кык ныла-зонмаöс да куим ыжöс. Шуасны öтчыд вокъяс: «Тырмас сэсся вирна-ным вердны Шурмаöс!» Скөрмас Шурмаыд, ыстас на вылö ыджыд кырнышöс. Лэбö кырнышыс да, борд шыыс гым кодь, бордтывъяссыс чард сывкiйö да йöзсö виö. Унаöс виас кырнышыд да бөр лэбас Шурма дорö. Но эз öвсыны вокъяс, эз öвсыны и йöзыс, дай мунісны сiйö мусыс. Эз тайöс көсйи Шурма, и бара ыстiс кырнышсö. Чөвтiс кырныш бордтывъяссö Пеля да Ком войтыр водзö, и быдмисны бордтывъяссыс Изъяс, вежөдны кутісны вөръясөн, еджыдавын йиа чугъяснас. Некызд йöзлы мунны. Но эз вермыны Изъяс падмөдны ызьбөм йöзтö, вуджисны найö Из вомöныд. А кырныш борднас визьйөдліс мутö, и ылькнитісны паськыд визув юяс, тасалісны-потшисны йöзыдлы туйтö. Вуджисны век жö йöзыд юястö, да на бокö и кольчисны овнытö. И шуис Ен: «Олöй Эжва да Кама пöлөн нэмыс!», а Шурматö асьсö чардөн-биөн вöтліс Изъяс улö, джуджыд горсьясö. Путкылясьö сэн Шурма, петны көсйö, муыс сырмö сэк, но Ен бара на швачкö сiйöс чард-нөвнад, и ланьтö Шурма. А Шурмалысь кырнышсö босьтiс Ен аслыс да нимтiс Рык-лэбачөн. Енлы казачитö Рык, сылысь тшöктöмсö-корöмсö йöзлы восьтö.

Висьтавлісны: Пеляыд да Комыд вöлöмаось Енлөн да Зарни аньлөн пиянөн, сöмын оз тöдны вöлөм. Сетас

Енмыд налы му выв нэмсö овны, сэс-ся чукöстас ас дорас, юалас, кызд водзö овны кöсйöны? Ком шуас, му вылын пö, и лэдзас Ен сйöс Кама ю бокö. А Пелялы Ен сетас ыджыд вын, нимтас сйöс Войвывса öксыöн, Войпельöн. Олö Войпель Урал-Из вывса медыджыд чуг йылас, Тöлпоз из вылын. Ачыс сйö Вой тöлыс и эм: сямöд турушка сотчигкосттi мусö-васö ставнас удитö кытшовтны. А Ком гöтрасяс Ёма нима ныв вылö. Тöдысь вöлöма Ёмаыс, уна гусятор тöдлöма. И ваяс Ёма квайт пиöс. Багатыр пияныд öдйö быдмöмаöсь, йöлыс оз вöлöм ставыслы тырмы. Енлы Ёмаыд юрбитас, Енлысь корас, да Енмыд сетас сылы содтöд нель нень, мед нин став пияныслы тырмас. Сэсся выльысь на квайт пиöс Ёмаыд ваяс. Быдмасны Комлөн да Ёмалөн пияныс багатыръясөн. Джуджыдöсь, шылъыд кыр йыв пожöмъяс кодъöсь, дай эбöсныс вöлöма налөн этштöм.

Дзескыд лоас та гырсясыдлы чужан позъяд, шуасны юксыны ай-мамсыс. Мунасны Ком да Ёма пияныд оланiн корсьны. Лун мунасны, мöдöс, коймöдöс, а гырысь йöзыдлөн и воськовьясыд гырысьöсь: ылöдз мунасны. Но, öти вок-лы и лов сертиыс кутшöмкö кар лоас, шуас сэн керка лэптыны. Видзöдö, а черыд абу. Абу гöгөрвоöмаöсь босътнысö, ли öтик и вöлöма, гашкö. Айыслы горöдас: «Айö! Чертö шыбитлы!» Комыд чер шыбитас, лэбас черыд вöрпу йывтi, юяс весьттi, пиыд кутас черпуöдыс. Лун-мöдөн вöр пöрöдас, подув весалас, керка, пывсян да тшамъя тшупас. А вокъясыд водзö нин муномаöсь. Кылö сйö: «Вокö, чертö шыбитлы! Зэв мичаин аддзи!» Шыбитас чертö вокыдлы, черыд вöрпу весьттi лэбас, юяс вомөн лэбас, кутас мöд вокыд. Керка-карта да пывсян тшупас. А сэн нин и коймöд вокыд горзö: «Вокö, чертö шыбитлы! Зэв мичаин аддзи керка улö!»

Сiдз сэсся и шыбласясны чернад,

кытчöдз ставныс ас керкааöсь оз лоны. Сэсся, дерт, и асланыс черъяс лоасны. Налөн керкаяс гöгөр и мукöдъяс лэптысьны кутасны, сиктъяс кыптасны.

Паськöдчасны чуд-багатыръясыд став Войвыв пасьтаыс, Урал-Из пöлөн. Пуксясны югыд ваа Иньва да Кама, Эжва да Мозын, Тшугөр да Печера бокса каръяс вылö. Нэмöвöйся пуяс кералöны, увйöны, ёсьтöны да муас тувъялöны, топыд потшöсьяс лэптöны. Карыд öд абу сöмын кар, но и карйөр, мед вöрöгысь дорйысьны позис. А чудлөн вöрөг тырмис! Му пуксян кадъясад öд быд пежыс на вöлис. Вöръястi шöйтiсны нисьö морт, нисьö зверъяс, краж кыза киа-кока вир юыс мутияс. Тöv ныр моз уськöдчывлiсны öтка ветлысь вылö шыри-гульчияс, весьöпöртлiсны, юрвежöрсö гусявлiсны. Вöрса тiллö ылöдлiсны-кыскывлiсны кый кока вöрса нывъяс, бубыляяс, дзык нин бöрсö волытöм вылö. А кульпиян, ыджыд дзодзув юра васа Кульлөн челядыс, сувтöдлiсны чери кыйысьяслысь пыжнысö да корисны вира сёян. Но медся повзёдчысьнас вöлисны кöсаö кыём юрсиа согра-йöгра багатыръяс, кодъяс, код тöдас кысь, тövзъывлiсны асланыс гöна вöвъяснас изъяс вомөн и нюръяс вомөн. Чорыд, бур тöдтöм согра-йöгра сотлiс чуд каръяс, виалис мужичöйясöс да сьöрсыйс нуöдлiс челядьöс да нывбабаясö.

Зюздялөн сизим пи вöлис, сизим багатыр, Кама пöлөнса сизим карын öксыяс. Шудакар зюздя-чудъяслөн вöли медыджыд карнас. Шуданад эз весьшöрö шулыны: Зюздялөн войтырыс тшыг ни кöдзыд эз тöдлы, да и мукöд карас эз дзескыдджыка овны. Зюздя бура веськöдлiс войтырнас, а сёлөн сизим пиыс чудлысь муяссö дорйисны. Век жö öтчыд согра-йöгра уськöдчис да пуркöшитiс Шудакартö, пыллисны и ещö кутшöмсюрö кар, уна босътiсны нылöс-нывбабаöс пöлөнö. Эз ылö мун согра-йöграыд, сувтiс

чуд кыркөтшө станөн, тыдалө, и водзө на көйис зюздя муястө пурны. Чукөртис сэк Зюздя пиянсө сёрни вылө. «Талун найө Шудакар пурисны, аски мукөд карсө пурасны. Дасьтысьөй тышкасьны, пиянөй, вувтам вөрөг вылө сизим лун мысти». Тшөктис Зюздяд ракаясөс кутавны, квайт луна-воя зюздя-чуд рака куталис. Сюрса сюрс рака кутисны, а сизимөд луннад мунисны согра-йөгра станлань. Стантө кытшовтисны да, ракаястө лэдзисны. Ракаясыд позланьыс уськөдчисны лэбны согра-йөгра стан весьтти. Съөд кымөрөн сайөдисны согра-йөграйдлысь стансө. Дөзмис согра-йөграйд, кутис ньөвйөн шөтны ракаясланыд, став ньөвсө чилйөдлисны, ни өти эз коль. Сэк вөлисти чудьясыд ньөввужьясад кутчисисны, став вөрөгсө виисны. Вөтлисны коляс вөрөгсө чужан му вивсьыс, а чукөртөм эзысь-зарнисө аслыныс босьтисны.

Уна вөли багатырыд Чуд муад. Карьясад олісны, а мед лёк войтырысь посийсьны, карьяс увтис туйяс писккөдалисны. Матыстчас согра-йөграйд Анюшкар дорө, чукөстчас Анюш, мупытш туйясөд сы дорө мукөд багатырыс котөртө. Дерт, эськө, эз жө век мупытш туйөдыд ветлыны. Висьталөны, вокьяс овлөмаось, Паль да Көч. Пальыс вөлөма ош кодь ён да мудер, а Көчыс көч кодь сюсь да пельк. Орчча карьясын овлөмаось вокьясыд, верст вит костөн. Коркө и Паль кар вылад вөрөг уськөдчас. Дыр тышкаяс Пальыд комын согра-йөгралы воча таш көрт паличөн. Паличид сэсся и чегас. Горөдас Көч-вокыдлы: «Вокө, отышт! Паличөй чегис!» Көч карсьыд сэсся и чугун палич лэбө, вокыд шыбитөма да. Тшапкас Пальыд паличтө, дай бусьяс вөрөгьястө. А сэн и Көч кар вылад нин вөрөгьяс уськөдчөмаось. Куш кинад дыр водзсаяс Көч, пөгибө кутас воны да, горөдас: «Вокө, бөр паличтө шыбитлы!» Палич лэбө, Көч тшапкас, вөрөгтө нөйтас, нөйтас, сэсся и

бара вокыдлы шыбитлас, мед Паль сэсся куш кинад дыр кешлө оз коль. Тадз сэсся, палич шыблалөмөн, и тилясны вөрөгтө, кытчөдз оз пышы. Эбөсыс шогмытөм ыджыд вөлөма вокьясыдлөн: паличыс, видзөд, пуд комын сьөкта вөлөма, а найө вит верст сайө шыблалөны вөлөм.

Сэсся дырөн ли регыдөн, а карьяс гөгөр и сиктьяс-грездьяс сөвмасны, прөстөй йөз овмөдчасны гөгөрыс. Вөралөмөн да нянь вөдитөмөн олөмаось, а багатырьяс көрт дорөны да тышкасьөны – сийөн куш и ноксьөмаось. Босьтывлөмаось пө сэтшөм-татшөм уджө, но нинөм абу артмөма. Дерт, висьтавлисны, мый чуд-багатырыд ытш-кыны кө петө, кык-куим олыштөмөн пөстатьыд усьө, а пөрөдчө кө, өти керыштөмөн вит пу уськөдө. А Мозын вивса карын со Трөк Самөй овлөма, коркө көйиссьөма сиктсаяслы ытшкыны. Шеныштас өтчид да, турун сорыд орчча пуяссө тшөтш ытшкыштас. Босьтас сэк Самөйыд косасө да лэчтанөн наляс, ныж косанас сөмын вермас ытшкынытө. Мөдысь вөйысыс кодлыкө тыла ректыны. Лун джынйыс коляс, а пукалө пө да уджө оз босьтчы, черсө зудьялө. Медалысьыд и дөзмас: кор нө пө уджад босьтчывлан? А Самөйыд вочавидзө: «Тэ эн пияньс, первой верд менө». Көзяиныд, мый сьөрсьыс вайліс сөянтө, пызандөра вылө гузьгас, казакиды өтпырысьөн вомас чөвтас, ещө быттьө этшаджык на лоөма, сэсся бара пуксяс чер зудьявны. Скөрмас нин поводнөя медалысьыд, пиявны кутас дыш уджалысьтө, а мөдыс чеччас, өвтыштас чернад, да енэжтасөдзыс вөрыд усьө.

Вөлөмаось чудыдлөн вежаиньяс, сэн еньясныс сулалөмаось, сэтчө юрбитны волывлөмаось, нимтывлөмаось вежаиньяссө куалаөн ли колаөн. Уна вөлөма сэтшөм колаыс чуд му пасьта: кымын өд сикт-кар, сы мында и вежа кола. Вежавидзөмаось чудьяс Енмар да Зар-

ни водзын, ёна пыдди пуктывлёмаось и налён Войпель пилюсь челядьсё да Комёс, кодъяслысь отсөг виччысисны да кодъяссиянь вужъяссё арталісны. Вёліны и мукёд еньяс, лыд ни тшөт, сулалісны пу еньяс колаясын, юрбитіс налы чуд. А өтчыд онас чукөртчывлісны ставныс медся вежаинас. Емваса да Эжваса чудлөн Емва вомын сэтшөмыс вёлёма. Ыджыд кыз сэн сулалёма, кодёс витөн сывйыштны оз вёлём вермыны. А Коммуса чуд чукөртчывлёма Камаё Иньва усянінын. Сэн сулалёма коз, кодёс сизимён сывйыштны оз вёлём судзыны. Енмарлысь сизим чужём сійё козъяс лөсавлёмаось. Сизим чужёмён Енмарыс видзёдома сэтсыянь асьнас вөчөм енмамуа кост вылас. Вожъясас көртавлёмаось жыннаныяс да зильганъяс. Войпель кө пöльыштö, зельгöны да бовгöны найö, сідзкö и чукөстчöмыс йöзлөн ен пельöдз воис. Гөрд муын олöны Енмар да Зарни, налы сизим бөждора гөрд азямъяс козьनावлісны. Вожъясас көртавлісны. Му аныслы козьनावлісны көр ку: гуавлісны вужъяс костас, мед сөмын көр куыслөн ныр йылыс тыдыштіс му увсыс.

Ставөн чукөртчывлісны Кама воссян лунö, кор йиис вөрзьевліс. Ставөн виччысисны сырчик воём, оз öд весьшөрö шуны: «Сырчиклөн кокыс вöсни, да йи жуглö». Зев муса Енмарлы тайö лэбачыс, сійён ыджыд козсö и нимтывлёмаось Сырчик коз. Коз улын сөйиг-юиг, чудыд асьныс сур юисны, дай коз вужъяс вылас кисталісны, важ йөзöс казтывлісны, мед сетасны бур нянь. А багатыръяс панъясисны: ньөввужысь лыйсисны, коді ылөджык да коді стöчджыка, шыяс да таш көрт паличыяс шыблалісны, көрт сяръясөн сяръясисны.

Коркө сөсся чуд багатырыд вывті уна лоёма, Муыд абу кутöма лэптыны найöс. Сэтшөм сьöкыдöсь, мый өтчыд мунасны да, кок туйöдыс ю босьтчö визувтны, сулыштасны өтилаын, ты пычмунас кок ув-

сыс. Мунёмаось сөсся чуд-багатыръяс Изланьö, сөмын изьяинын овны вёлём вермöны. Гажтөм сэн босьтас. Тöлысьяс да, вояс да ветлöны изйысь изйö, шыбласьöны сярйөн-паличөн, а сөсся и вензыны кутасны öта-мөдыскөд. Коркө Енмар лэччас енежсыс му вылö, видзөдö да, Паль кузьнечаас зев кыз көрт паличдорö. Енмар дзор пöльöө пöртсяс, матыстчас да юалö: «Мый доран?» – «Көрт зор. Мусö көсья путкыльтны». – «Мыйла?» – «Мед шоныдджык лоас, а то көдзыд, а Из вывсыс мунны некытчö». – «Кыз нö путкыльтнысö көсьян?» – «Зор йылас сюрта мусö да пельпом вомөн зорйышта-путкыльта». – «Аттö, мый вёлём тэнад юрад! Сэн войтырыс тэа-меалы юрбитö, а тэ... Изйөн тэд лоны нэмыс!» И пöрас Пальыд изйö.

Вөляникысь и мукөд чуд-багатыръясыс изйö пöрасны. Пырасны найö из горсьясö багатыр вөвъяснас, озырлуннас, эмбурнас, кодёс му пуксьöмсянь на чудъяс чукөртлёмаось, дай измасны. Измасны, а ордыс налөн оз ор. Пера вёлёма налөн вужысь, Кудым Ош, Йиркап, Тунныръяк... Да уна на вöлі Коми муад нималысь багатырыд, налөн вужысь петлөмыд. Да и Коммуса войтырыд, медводдза Ком-памыслөн йылөм. Коми – Комлөн йылөм сідзкö. А измөм багатыръясыд сідз и колисны Урал-Изъяд. Ыджыд шог кө пö лоас, сөмын сэк петасны из горсьясысь багатыръяс, коми войтырöс мездыны. Сөмын кутшөм шог колö, мед петісны? Кывсьывліс öд, мый и Ставмирса воддза война водзас и Ставмирса мөд война водзас багатыръяслөн вөвъясыс гораа гөрдлёмаось Из пытшкөссияныс, но сідз некод абу и петöма. Тадз меным висьтасьліс Коми морт, пöрысь пöльö, му вылас медся сөстөм Тщугөр ю бокса дзоянник важ керкаын».

Комиöдіс О. Уляшев.